



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Ab Alexandro VII. Ad Clementem X.

**Luxemburgi, MDCCXLII.**

XXXIX. Confirmatio Brevium Urbani VIII. Innocentii X. quibus duabus  
vicibus quolibet anno mandatur Prædicatoribus Verbi Dei Commendatio  
locorum Terræ Sanctæ.

---

[urn:nbn:de:hbz:466:1-74833](https://nbn-resolving.org/urn:nbn:de:hbz:466:1-74833)



cogitato, & inexcogitabili, individuamque expressionem requirente defectu notari, impugnari, infringi, retractari, in jus, vel controversiam revocari, aut ad terminos Juris, seu statutorum, stabilimentorum, & ordinationum Capitularium, consuetudinum, & usum, ac privilegiorum Hospitalis, aliorumque Ordinum militarium hujusmodi reduci, aut adversus illas aperiitionis oris, restitutionis in integrum, aliudve quodcumque juris, facti, vel gratiae remedium impetrari, seu impetrato, aut etiam motu, scientia, & potestatis plenitudine paribus concessio, vel emanato quempiam in judicio, vel extra illud uti, seu se juvare posse; sed ipsas praesentes litteras semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore quodcumque spectabit in omnibus, & per omnia plenissime suffragari, & ab eis respectivè inviolabiliter observari.

Nec aliter  
judicari posse  
decernit.

§. 4. Sicque, & non aliter in praemissis per quoscumque Judices ordinarios, & delegatos, etiam causarum Palatii Apostolici Auditores, ac S. R. E. Camerarium, & alios Cardinales etiam de latere Legatos, & Apostolica Sedis Nuncios, nec non Camera nostrae Apostolica Praesidentes Clericos, aliosve Officiales, & Ministros, ac memorati Hospitalis, aliarumque Militiarum, & Ordinum Militarium hujusmodi Magnos Magistros, seu Administratores, Conventus, Consilia, & Tribunalia quaecumque, ceterosque quoslibet quacumque praeminentia, & potestate fungentes, & functionarios, sublata eis, & eorum cuilibet quavis aliter judicandi, & interpretandi facultate, & auctoritate, judicari, & definituri debere; ac irritum & inane, si secus super his à quoquam quavis auctoritate, scienter, vel ignoranter contigerit attentari.

Contrario-  
rum derogatio.

§. 5. Non obstantibus quatenus opus sit nostra & Cancellariae Apostolicae Regula de Jure quaesito non tollendo, ac fel. rec. Pii Papae IV. praedecessoris nostri de gratis qualescumque interesse Camera praedictae concernentibus in eadem Camera intra certum tempus presentandis, & registrandis, ita ut praesentes litteras ibidem praesentari, & registrari nunquam necesse sit, aliisque Apostolicis, ac in universalibus, Provincialibusque Conciliis editis generalibus, vel specialibus Constitutionibus, & Ordinationibus, nec non legibus etiam Imperialibus, & Municipalibus, ac Urbis, & quarumcumque Provincialium, Civitatum, Oppidorum, Terrarum, & locorum, nec non dicti Hospitalis, aliarumque Militiarum, & Ordinum Militarium, ac Ecclesiarum, Monasteriorum, Ordinum, Congregationum, & locorum piorum quorumvis, aliisque quibuslibet etiam juramento, confirmatione Apostolica, vel quavis firmitate alia roboratis statutis, eorumque reformationibus, & novis additionibus, stabilimentis, usibus, & naturis, ac ordinationibus capitularibus, styliis, etiam quantumvis inveteratis, usibus, & consuetudinibus, etiam immemorabilibus; privilegiis quoque, indultis, & literis Apostolicis, etiam Urbi, Provinciis, Civitatibus, Oppidis, Terris, & locis, ac Hospitali, aliisque Militiis, & Ordinibus militariis, Ecclesiis, Monasteriis, Ordinibus, Congregationibus aliisque locis quibusvis, illorumque respectivè Communitatibus, & Universitatibus, Magnis Magistris, & Administratoribus, Conventibus, Capitulis, etiam generalibus, Fratibus, Militibus, Equitibus, Nobilibus, & aliis personis quibuslibet sub quibuscumque verborum tenoribus, & formis, ac cum quibusvis etiam derogatoriis derogatoriis, aliisque efficacioribus, efficacissimis, & insolitis clausulis, irritantibusque, & aliis decretis etiam motu, scientia, & potestatis plenitudine paribus, ac consistorialiter, & aliis quomodolibet in contrarium praemissorum concessis, confirmatis, & approbatis, ac pluries, & quantumcumque vicibus innovatis.

Quibus omnibus, & singulis, etiam si pro illorum sufficienti derogatione de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes mentio, seu quavis alia expressio habenda, aut aliqua alia exquisita forma ad hoc servanda foret illorum omnium, & singulorum tenores, formas, causas, & occasiones praesentibus pro plenè, & sufficienter, ac exactissime, & accuratissime expressis, insertis, servatis, & specificatis respectivè habentes, illis alias in suo robore permanens ad praemissorum effectum specialiter, & expressè, ac plenissime, & amplissime derogamus, & derogatum esse volumus, ceterisque contrariis quibuscumque.

Constitutio-  
nem publica-  
ri mandat.

§. 6. Ut autem eadem praesentes litterae ad omnium notitiam facilius deveniant, volumus illas, seu earum exempla ad valvas Basilicae Principis Apostolorum, ac Cancellariae Apostolicae, & in acie Campi Florae de Urbe, ut moris est, affigi, & publicari, sicque publicatas omnes, & singulos, quos illae concernunt, perinde afficere, ac si unicuique personaliter intimatae fuissent.

Transumpto-  
rum fides.

§. 7. Utque ipsarum praesentium litterarum transumptis, seu exemplis, etiam impressis, manu alicujus Notarii publici subscriptis, & sigillo personae in Ecclesiastica dignitate constitutae munitis, eadem prorsus fides ubique locorum in judicio, & extra illud habeatur, quae haberetur eisdem praesentibus, si forent exhibitae vel ostensae.

Dat. P. An. 2.  
die 15. Maji.

Dat. Romae apud S. Mariam Majorem sub Anulo Piscatoris, die 15. Maji 1671. Pontificatus Nostri Anno Secundo.

Anno à Nativitate D. N. JESU Christi 1671. Indictione nona, die vero 20. mensis Maji, Pontificatus autem Sanctiss. in Christo Patris, & D. N. D. Clementis Divina Providentia Papae X. anno ejus secundo, supradicta Constitutio affixa, & publicata fuit ad valvas Basilicae Principis Apostolorum de Urbe, & Cancellariae Apostolicae, & in acie Campi Florae, ac aliis locis solitis, & consuetis Urbis per Laurentium Signium Sanctiss. D. N. Papae Curf.

Agabitus de Magistris Mag. Curf.

Confirmatio Brevium Urbani VIII. & Innocentii X. quibus duabus vicibus quolibet anno mandatur Praedicatoribus Verbi Dei Commendatio locorum Terrae Sanctae.

XXXIX.

Specialiter hoc decrevit Urbanus VIII. Constit. 177. Salvatoris, Innocentius X. Constit. 11. Salvatoris confirmavit.

CLEMENS PAPA X.

Edita A. D.  
1671.

Ad futuram rei memoriam.

Salvatoris, & Domini nostri, qui pro humani generis redemptione seipsum exinanivit, factus obediens usque ad mortem, vices licet immeriti gerentes in terris, inter multiplices, gravissimasque Apostolicae servitutis curas in eam praecipue pastoralis sollicitudinis vigilantia incumbimus, ut tanti, & tam salubris mysterii monumenta, quae in Civitate Hierusalem, & locis circumvicinis sunt conserventur, & omni qua fieri poterit majori honorificentia recolantur.

Progenium.

§. 1. Cum itaque fel. recor. Urbano Papae VIII. praedecessori nostro alias expositum, quod Ecclesiae, & alia loca pia in Civitate Hierusalem, & aliis locis Terrae Sanctae existentia ferè diruta erant, & quae adhuc ibi existebant Monasteria aere alieno ob impiam Turcarum, Haereticorum, & Schismaticorum tyrannidem, & pro sanctae Fidei Catholicae in eisdem locis conservatione contracto, admodum gravata reperiebantur; Idem Urbanus

Breve Urba-  
ni VIII. quid  
constituit.



prædecessor, Patriarchis, Archiepiscopis, Episcopis, aliis locorum Ordinariis, nec non omnibus, & singulis quorumvis Ordinum, & Congregationum, & Institutorum Regularium Generalibus commiserit, & mandaverit, ut ad minus duabus vicibus quolibet anno, Adventus, & Quadragesimæ temporibus, tam per verbi Dei Prædicatores in suis sacris Concionibus, quam in actionibus, & functionibus publicis, necessitates eorumdem sacrorum Monumentorum Populo proponi, & commendari curarent, & facerent, & alias prout in ejusdem Urbani Prædecessoris litteris in simili forma Brevis die 3. Februarii 1634. desuper expeditis, quarum tenores præsentibus pro expressis haberi volumus, uberius continetur.

Ab Innoc. X. confirmatur.

§. 2. Et sicut pro parte dilectorum Ludovici à Justitia pro Italia, & Simonis Garcia pro Germania, ac Andree à Fonte majore pro Hispania, & Petri Meron Fratrum expressè professorum Ordinis Fratrum Minorum Sancti Francisci de Observantia nuncupatorum pro Gallia, respectivè Commissariorum ejusdem Terræ Sanctæ, Nobis nuper expositum fuit, ipsi, quo præfata Urbani Prædecessoris litteræ, quæ à rec. mem. Innocentio Papa X. prædecessore pariter nostro confirmatæ fuerunt, exactius observentur, illas per Nos pariter confirmari, & innovari desiderent.

Confirmat prout in rub.

§. 3. Nos eorumdem sacrorum Monumentorum conservationi, & manutentioni consulere volentes, de Venerabilium Fratrum nostrorum S. R. E. Cardinalium negotiis Propagandæ Fidei Præpositorum consilio, prædictas Urbani prædecessoris litteras Apostolica auctoritate tenore præsentium confirmamus pariter, & approbamus, illasque innovamus, & observari mandamus; salva semper auctoritate Congregationis dictorum Cardinalium.

Præcipit Ecclesiasticis Superioribus observantiam.

§. 4. Volumus autem, ut Patriarchæ, Archiepiscopi, & Episcopi prædicti in relatione status suarum Ecclesiarum, quando visitabunt Limina Apostolorum faciendâ, referant se prædictis Urbani prædecessoris, & præsentibus nostris litteris paruisse, contrariis non obstantibus quibuscumque.

Transumptis fidem ad dit.

§. 5. Volumus insuper, quod earumdem præsentium transumptis, etiam impressis, manu alicujus Notarii publici subscriptis, & sigillo personæ in dignitate Ecclesiastica constitutæ munitis, eadem prorsus fides adhibeatur, quæ præsentibus adhiberetur, si forent exhibitæ, vel ostensæ.

Dat. P. An. 2. die 19. Junii.

Datum Romæ apud S. Mariam Majorem sub Annulo Piscatoris, die 19. Junii 1671. Pontificatus Nostri Anno Secundo.

XL.

Extendit, & ampliat Indultum Cardinalis, & Nuncii in Regno Portugallie de recitando Officio, & Missa celebranda in tota ditone illius Regis in honorem Beati Gundisalvi de Amarante Ordinis Prædicatorum ad universam Sancti Dominici Religionem.

Edita A. D. 1671.

CLEMENS PAPA X.

Ad perpetuam rei memoriam.

Exordium.

Sacrofancti Apostolatus officium humilitati nostræ divinitus commissum salubriter exequi adjuvante Domino satagentes, pia sublimium, Religiosarumque personarum vota, ad augendam in terris Beatorum in Cælis cum Domino nostro Jesu Christo regnantium venerationem laudabili studio tendentia, libenter exaudimus, sicut ad Omnipotentis Dei gloriam, spiritualemque Christianidelium consolationem, atque ædificationem expedire in Domino arbitramur.

Causa hujus Const.

§. 1. Alias siquidem commisso per felicis recordationis Pium PP. IV. Prædecessorem nostrum

ad preces claræ memoriæ Sebastiani dum vixit Portugallie, & Algarbiorum Regis Illustris bonæ memoriæ Henrico tituli Sanctorum quatuor Coronatorum Presbytero Cardinali Portugallie nuncupato, & Prospero Episcopo Rossanensi tunc Sedis Apostolicæ in Regno Portugallie cum potestate Legati de Latere Nuncio, quatenus examinato per ipsos Processu antea confecto de mandato recolendæ memoriæ Julii PP. III. prædecessoris pariter nostri, vel alio, desuper servata forma Sacrorum Canonum de novo conficiendo conjunctim procedentes, confitito prius de cæbris miraculis quæ Omnipotens Deus intercessione Beati Gundisalvi de Amarante Sacerdotis expressè professi Ordinis Prædicatorum in Regno Portugallie nati, & vita functi, tam in illius vita, quam post felicem illius obdormitionem operari dignatus fuerat, concurrente ad Ecclesiam ubi requiescit corpus illius, à claræ pariter memoriæ Joanne Rege Portugallie illustri ipsius Sebastiani Regis prædecessore magnificè extructam, & dotatam, ex diversis Regnis, & Provinciis incredibili frequentia Christianidelium, eorumque in eundem Beatum Gundisalvum devotione in dies magis invalescente, concederent, ut in omnibus, & singulis Ecclesiis, tam secularium, quam regularium Regnorum ipsi Sebastiano Regi subiectorum, Officium, horæ canonicæ, & Missa de dicto Beato Gundisalvo ad instar aliorum Sanctorum Confessorum in die obitus ipsius, liberè, & licitè recitari, & celebrari possent, prout in ipsius Pii Prædecessoris litteris desuper in forma Brevis die 3. Septembris 1560. expeditis latius continetur.

Indultum Card. & Nunci.

§. 2. Idem Henricus Cardinalis, ac Prosper Episcopus Nuncius in executionem litterarum hujusmodi, confitito prius de præmissis juxta Sacrorum Canonum dispositionem, per eorum sententiam latam die 16. Septembris sequentis anni 1561. auctoritate Apostolica, qua fruebantur in hac parte, concesserunt, & indulserunt, ut ex tunc in omnibus, & quibuscumque Ecclesiis, & Monasteriis etiam Secularium omnium Regnorum, & Dominiorum Portugallie possent liberè, & licitè recitari officium, & horæ canonicæ, ac Missæ celebrari in honorem dicti gloriosi Gundisalvi de Amarante eodem prorsus modo, & forma, quo, & qua recitantur, & celebrantur in honorem aliorum Sanctorum Confessorum.

Ad preces Principis Portugallie.

§. 3. Cum autem sicut pro parte dilectissimi in Christo filii nostri Petri Principis Portugallie, & Algarbiorum Regnorum Gubernatoris, per dilectum filium nobilem virum modernum Marchionem de las Minas Coronæ Portugallie apud Nos, & Sedem Apostolicam Oratorem ordinarium, Nobis nuper expositum fuit, crescente in dies populi erga præfatum Beatum Gundisalvum devotione, tam idem Petrus Princeps, quam dilectus filius Joannes Thomas de Roccaberti Magister Generalis dicti Ordinis pro singulari, quem erga memoratum Beatum Gundisalvum gerunt, devotionis affectu, indultum præfatum ad universum Ordinem Sancti Dominici, tam Fratrum, quam Monialium extendi summoperè desiderent; Nobis propterea idem Petrus Princeps, & Joannes Thomas Magister Generalis, tam suo, quam universi Ordinis præfati nomine humiliter supplicari fecerunt, ut in præmissis opportunè providere, & ut infra indulgere de benignitate Apostolica dignaremur.

Ampliat ut in rubr.

§. 4. Nos igitur laudabili dicti Petri Principis pietati favorabilem assensum paterno affectu præbere cupientes, ac præfatum Joannem Thomam Magistrum Generalem specialis favore gratiæ prosequi volentes, & eorum singulares personas à quibusvis excommunicationis, suspensionis, & interdicti, aliisque Ecclesiasticis sententiis, censuris, & penis à jure, vel ab homine quavis occasione, vel causa latis, si quibus quomodolibet in-

notat